

法華三昧經

宋智嚴譯

鳳一

佛在羅閱祇舍間崛山中與諸尊弟子比丘千二百五十菩薩七萬三千人諸釋梵不可復計十方飛來無央數皆神通妙達復有他方恒邊沙諸天人及諸菩薩如是等百億千

恒沙皆來會在佛前坐時舍利弗須菩提等

諸尊菩薩皆有疑心念言何因緣諸上人皆來在是間會有何異要之瑞應爾時諸弟子起疑心念為佛作札長跪欲問佛佛時已放無數光從口出若干億音稍稍引大徧虛空明遠照恒邊沙刹土地復震動於是盡明即不復見佛身相大眾愕然共議佛三昧為何所之趣各自思之即便還坐三昧求佛至處座前有菩薩名慧相便報言善哉善哉當尔賢者思惟了不知所至處湏臾羅閱王後宮太子皇女及采女夫人三萬二千人皆從共來詣山中到不見佛復有不想菩薩問王將

說偈問佛

向見大光明疑佛有異要故來將大眾欲問心狐疑反更不見佛意甚有怪驚願得具為說當令大眾解各發三昧推求佛身相了言不知處各共坐作議更起何三昧畢欲求佛意女來問衆等佛今為所在純行有至心必欲有所問願言世尊授令意解狐疑具為現衆等分別解說之向所三昧虧所名在何所佛語女利行所問甚深當為汝分別說向所三昧名法華辭如大國中有一樹有一華覆三千大千刹土其香熏恒河沙佛國若有人得聞名字若知解自然疾得是三昧若諸病痛者得聞是三昧應時自解人根衆病消盡

女利行問佛何謂華之威德乃有是慧佛語
女利行華者一樹之色人見莫不愛樂欲得
之者法華三昧是生死中之色大光受有形
人不知不聞不信是三昧不奉行之未應菩
薩不見慧失人之本及隨沫流終已不見明
三昧經
女利行復問佛今欲得是三昧行何法有幾

二
事行得人中願佛和慈恩潤廣開行議令一
切聞解皆入三昧中佛言善哉善哉多所度
脫永度無極有二事何以為二一者知法身
如幻如化二者知姪怒癡無根無形佛余時
說偈言

法身有一切化幻現沉浮姪怒癡無形如水現泡沫
觀察人身物如滅無形住離散合自成分別計皆空
佛語女利行復有四事別知行三昧者何謂
爲四一者行戒無色想二者行檀無受者三
者不貳無亂者四者行智無愚者是爲四佛
余時說偈言

不犯戒無毀行檀不入智不貳無亂不愚無智慧

不時說偈言

不說無行者有行不高三昧可得入無處無中邊
佛語女利行復有三十六事是爲三昧所見
事何謂三十六事不見生不見死不滅不增
不出不入不在外不在內無住無止無水色
無火色無風色無地色無痛無痒無思無想
無生無死無識無念無姪無瞋無恚無愚無
癡無慳無施無惡無善無心無意無識行不
起上若干事不滅上若干事如一無形像是是
為三十六事法華所見事佛余時說偈言
不想念無念不行色想要無行法華淨空寂無吾我
不處有人中沒滅無形像不觀善以惡俱皆空自然
三
佛告女利行法華三昧所見辟亦如是佛說

是三十六事品時無數天人及世間大眾人
及王所侍從大小合有四十億萬皆發無上
正真道意女利行及後宮人三万二千采女
夫人逮得無所從生法樂於中立女見衆人
皆發道意心甚歡喜起爲佛作禮繞佛三而

住佛前說偈言

世尊寶神妙演知三世事 斷世姪怒垢開化沫流人
皆到無為城 快樂乃安寧 如是天中天 地為大動傾
今日合大衆 憶億百万千 當來及過去 現在得自然
願得大普恩 法華威神力 三界一切人 皆得是三昧
令我值在世 常行法華事 使世無老死 快樂無憂患
三苦自然除 皆如是三昧 空無於願識 自然現相好

教授沫流人 得意慈普行 光光威儀好 等身為如來
合聚於沫生 三昧豫生待 便使於空中 得慧如上首
女利行說偈已作是念今欲教授人不見法
則何事開解人佛即知女心中念便語女欲
持何法教何人法復何所在人復何所止立
女白佛言如是所說無法無教無人佛語女
無法有八事行無教有六事除無人有七事
散女問佛何謂八事行六事除七事散佛言
一者直見不邪二者直聞不聽三者直治不
曲四者直說不煩五者直行不迷六者直念
不思七者直意不動八者直受不尋是為八
事行無法何謂無教六事除一者不念有見

無見無二者不念有聲無聲無三者不念有
味無味無四者不念有香無香無五者不念
有觸無觸無六者不念有意無意無是為六
事除何謂無人七事散無水色無風色無火
色無地色無心色無識色無行色是為七事
散無人可教當作此解佛尔時說偈言

若有解法華 三昧要句品 當念勤精進 晓解得正言
七八六已足 計本無形迹 不受自可欲 去想安寂然
說法無言教 不見有壽命 人本空無寂 不解沫言有
不除不斷欲 出入無住處 無痛無思想 不生不死滅
有念為勞苦 不復著因緣 示現有色欲 已反愛灰塵
羅 三昧 觀見有病痛 常意與本并 慧見不空念 寂寂安空空

法華三昧現 不出不入住 無見不見空 是為疾得如
便能行施法 以慧為布施 說慧等如是諸佛皆稱歎
女聞說是時倍復踊躍歡喜起為佛作禮踊
在空中去地七尺還坐金剛蓮華上時座中
有比丘心念言是為真是女為幻人自起為
佛作禮長跪叉手說偈問佛言

本自生愚癡 不識道慧義 不知女利行 為是真男女
審是一定人 用法何復問 真是女子身 所問何以深
生來侍佛法 未見如是人 所見非凡及 智慧何以余
本從何方來 而生於王家 宿命行何法 逮及幾佛來
精進健乃余 所問如來報 戒具真有行 能問如有說
能忍有柔意 但能口說行 伏心意何如 實欲往試之

可應幾法住 住對不起意 若實有智慧 我欲從解要
省親所說法 詠演入道俗 有何異心意 獨得是智慧
佛便語比丘言自若干因緣即說偈報言

女利行本心 立德識本處 在世來千歲 常習於三昧
心解衆色要 寂然與禪同 真是女子身 不為化來現
本從無色界 今來在世界 繢復如本行 已行便立正
無身現說心 普念衆慈行 念法空為本 不起因緣相
比丘自不解 何怪是女身 不見無有本 反自受縛著
禪思欲去色 更反為色亂 速苦避三毒 已入三毒苦
汝自不解身 自謂得常安 萬物如幻化 入出無形住
四色本虛空 自然愛形著 愛貪自拘限 懷本起末欲
余時比丘八萬四千人 聞說偈意解即發無

上正真道意不可計天人散華名香皆來供
養佛時舍利弗心念女子乃有是辯何不去
女即男佛即知舍利弗心所念便語舍利弗
汝自問女舍利弗即問惟女利行所說非常
事汝與如來共對語何不去女即男女利行
答言惟舍利弗道德之要以慧善見不視於
未四色是地水火風五情合六入為衰心意
識如幻如化出入無形癡意不盡故與三流
對更出浮沉何足玲瓏漏盡結解有不淨想
無色如為惡苦住反為樂舍利弗問學佛之
法應有謗毀言不女問賢者舍利弗云何為
謗毀答言一好一惡是為謗毀女報言未曉
未了大人所說不以小為小大為大好惡無
二等無異謗身身是色謗意意無形四色法
空無形無造何所受謗毀者舍利弗答曰鄉
所說是菩薩大人所行鄉未應菩薩何緣乃
說此事女報言大人為以何立報言普等為
立何謂為普教授十方人遠苦得道是為普

唯賢者所說不說普說生死勤苦耳女語舍利弗謂為普者不見有人無人有教無教有法無法所念是曰為普不為見生死欲教之令得道是為普舍利弗無有辯才折荅此言女爾時說偈歎曰

人用三塵亂 輒為六衰著 五惡十對賊 三危墮困窮

十二連相縛 四色拘沒三 不解名顛倒 坐受空聚藏
無故沒三姓 自綱投深淵 墓藏畏二三 自滅更受生
宛為空所縛 恒懷不淨想 自呼是常安 為得真自然
是輩滿闍浮 億億百万千 所行徧十方 不益一切人
當有隨受行 皆共墮海流 可作大法行 入海免欲根
決海令滅盡 十故無還流 反原盡欲室 令人歸故鄉
故鄉名無為 号字清淨堂 快樂多紫金 入出揚光明
恒邊沙劫佛 莫不稱歎說 以法空無戲 無相不願識
潮流以海水 皆復不足說 廣意開化人 自然常自安
惟念諸賢者 乃自反不解 無故自受縛 幻化受報應
余時四萬二千羅漢皆正意 第十七住八萬五千
釋梵皆遠無所行 從生六萬四千賢女起

三昧

六

為佛作禮住佛前說偈言

今日女利行 為我衆等說聞說佛深法 令我心開解
實欲知道德 皆從何所來 聚令衆一切 有何神妙德
而致興大衆 莫不驚愕心 伏意住樂從 隨教之所行
願欲求天尊 改發起灌衆 至心受大慧 如來神化現
應時諸女身 倒願去色欲 便欲作沙門 佛之智我情
畢覺諸審諦 使身如菩薩 宣佛神道教 當復轉化人
諸賢大衆女 俱起在佛前 頭面稽首札 願得如佛形
佛語諸女所說實至心 今欲求所願先當報
父母次當復由王 得聽可去耳 於是諸女說
偈報白言

欲願作沙門 先當報父母 次當復由王 得聽可作道
為道不告晚 但當勤開心 晓解心意本 一切與同等
便有決大意 心解乃至道 道從解心起 不住於縛著
化達觀覲覽 如復心出生 從本如本空 知皆非常苦
心亂便隨流 所見必有對 不生善思想 余乃作沙門
諸賢女起往至父母所長跪白父母及大王
今日受王恩德來詣佛所為尊女利行問佛

深妙法欲求無為道現身及一切佛為女說
本末生死苦痛但為色欲著不知道德本緣
是無常至當就三苦勤願欲作沙門願父母
聽我作沙門當得道還度父母父母語諸女
未自然道各自見便利隨意所習行汝曹尚
去我亦隨汝去汝自白語王得聽便自去用

三昧七

問我為諸女稽首大王前淚出而言人在三
界中苦欲坐色想不得自在無常卒至無有
代者實欲作沙門并與諸女俱無為得道者
當還度父王願從本意王語女利行等且欲
使汝去隨行作沙門以汝三事未足是以不
遣汝耳一者未盡學識諸禮教二者常樂未
有見苦三者口食滋味未有足者以是故不
欲遣汝耳若有至意者便去勿疑吾亦欲作
沙門王即起至佛所作禮白佛言聞說智慧
意甚頌樂國付太子身歸三尊給侍左右并
受法教欲作沙門求道如佛佛即放光若干
種色其明照十方地為六反震動諸天作樂

覆滿於虛空散華名寶覆三千大千刹土天
下丘墟皆平其有大山化為黃金枯木更生
中有不端正者皆得願樹木枯者皆生條葉
自然風吹皆歌歎佛功德生華者即自墮落
各氣到佛所羅住空中各說偈讚佛功德
今蒙聖威神得救死復生光色還本然復寶滋道成
生死姪亂色譬於枯木時值佛說音聲還來合本并
六色耽著冥四色合五欲分別法空然解道成法行
為得真定智快樂得安寧一切皆歡喜稽首礼佛足
余時諸六通及羅漢見華有是說女利行即
化為男子復為菩薩一女子作是二化變衆
坐莫不歡喜時一佛刹中無有女人諸六通
道者十萬五千人三萬須陀洹皆得阿惟越
致八萬六千人及阿那含皆得柔順法忍不可
計羅漢更發無上正真道意其有辟支佛
行即如彌勒輩王即以國付太子太子名辯
積拜跪白大王王為欲施子孫之殃與色身
之福施子孫當以法財之利持誅滅之怨大

罪與子孫大國之治世漏沒人根不知大慧滅善之路與子孫當奈何父王有教不得不從輒便礼拜辭王而去還國宮殿坐領國普告若不到佛所求無為道作善孝者罪與三逆等太子於殿上精進勇慧廣開大道意心甚過本無量即滅一切之惡地即為六反

三昧

八

風

震動時人民皆言願太子便得作佛我曹大衆皆當承第亦當作佛佛時笑五色光出照於十方佛刹人民皆發願令我得道如佛天下飲食自然在前如忉利天上其國菩薩皆如阿弥陀國中太子辦積得功德在宮七日出詣佛所從大衆羣臣大小人民無央數至佛所為作禮住佛前說億億萬千偈讚曰

佛作三昧決功德甚巍巍光相感神照感動三千刹施人無上慧德普入衆心感發開童蒙莫不受福成演詠法華事改世灌羣異降伏強者和更受柔順等尋道場光世人受業長去老遠空寂不死而復生除病遠穢辱色想沒滅勞陰蓋即以除清淨無欲塵

思想受欲定流布遠無為空定常寂然不住不然行不行無法識示現光相成本法無增減常安寂空空如來現神化一切得真道愚癡寂然定心與無生同我今聽說法演出法華慧心解得發願一切得如佛今欲城國土願便說法華以何法行得當有幾事解疾得是法華依議說其慧皆令分別知一切心得解

三昧

九

曉了諸法事當從中外得得之為遠近便可立得佛復更於劫數又從幾佛受解慧而有要須臾變化成願以具演說皆令大衆知太子及衆人作禮還復坐佛語女利行欲知法華之開解所示現也當來過去現在諸佛皆從是散身辭喻品得道知諦余時有億百千天及諸梵不可計人民

四十八萬菩薩遠得無所從生其有聲聞皆更發意時不想菩薩白佛言今日大衆聽聞法華三昧解說事要都未受決佛告菩薩今日說法華三昧者皆以受決有劫數各各自

有國土處所是故不復說耳若汝不解自往皆問之時太子及女利行即白菩薩心中所

欲問即各說偈答報言

惟賢上智慧 何以不解要 其有求想報 皆為不受慧
當說有趣所 則非法華事 要當湏口說 欲聽真高聲
不解其本末 語亦俱不知 指示道徑法 猶若如盲人
師子之大音 尚復呼小聲 受決已得佛 不知禮正道
受決有國土 辟亦如幻化 有對便出應 不復豫思想
見附住教授 弥及去來今 神通無不知 不須有言說
受決在空無 寂然安無為 常定不動轉 和細人不知
開演於未然 寂靜無所為 是為所樂國 清明為證正
不念有思想 是為快法安 相好現光明 是為勤苦現
弟子有人民 是為入欲濁 不苦不勤念 都盡不起滅
如是說十八億萬偈報菩薩 即歡喜說偈讚曰

我自生愚癡 不解上人語 不知其音法 反呼未受決
如今所說偈 甚深難具陳 願發本時意 與神共參論
時太子白佛言 今諸賢皆尚不解要以善權
方便開解佛 即笑五色光 從心口出十方皆
明 阿難白佛佛不妄笑笑必有意願聞其說
佛語阿難汝見大眾不阿難答言見今是如
來問皆具答各各在十方教化度恒沙等天
人民皆使作佛余時自然雨香華七寶覆三
千大千刹土而周而徧無有空處佛語太子
此法華所解人身之事如是余時不可計恒
沙百千人民皆發無上正真道意逮無所從
生心無數千聲聞皆達阿惟越致地阿難長
跪白佛言此名何經云何奉行佛語阿難名
法華三昧女利行所問解人身散情經要集
若有男女書寫諷誦讀勝行檀八十劫若供
養勤跪拜者勝菩薩行慈三千億萬劫若當
曉解展轉相教勝供養恒邊沙佛若有一聞
是經者不復更生死勤苦不信謗者此人以
隨未流未復遠本佛語阿難囑累汝法華三
昧事千劫尚不能盡粗說要諦受書持奉行
勿得減一字正書句逗相得太子所從大眾
開解各得道慧皆如上首起為佛作禮而去

法華三昧經

無量義經

蕭齊天竺沙門曇摩伽陀耶舍第二譯

德行品第一

如是我聞一時佛住王舍城耆闍崛山中與大比丘衆萬二千人俱菩薩摩訶薩八萬人天龍夜叉乾闥婆阿脩羅迦樓羅緊那羅摩睺羅伽諸比丘比丘尼及優婆塞優婆夷俱大轉輪王小轉輪王金輪銀輪諸輪之王國王王子國臣國民國士國女國大長者各與眷屬百千萬數而自圍遶來詣佛所頭面禮足遶百千匝燒香散華種種供養供養佛已退一面坐其菩薩名曰文殊師利法王子大

威德藏法王子無憂藏法王子大辯藏法王子彌勒菩薩導首菩薩藥王菩薩藥上菩薩華幢菩薩華光菩薩陀羅尼自在王菩薩觀世音菩薩大勢至菩薩常精進菩薩寶印手菩薩寶積菩薩寶杖菩薩越三界菩薩毗摩颱羅菩薩香象菩薩大香象菩薩師子吼王